

**442**

Na osnovu članova 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06 i 13/11), a u vezi sa članom 7. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Vlada Tuzlanskog kantona, na sjednici održanoj dana 22.08.2013. godine, donosi

**ODLUKU****o radnom vremenu u kantonalnim organima Tuzlanskog kantona****I.**

Ovom odlukom propisuje se vrijeme rada i raspored radnog vremena u kantonalnim organima uprave, upravnim organizacijama, stručnim, tehničkim i drugim uredima, službama i tijelima koja se osnivaju za njihove potrebe, Kantonalnom pravobranilaštvu, Kantonalnoj agenciji za privatizaciju i Komisiji za koncesije (u daljem tekstu: kantonalni organi).

**II.**

U kantonalnim organima radni dan traje od 7,30 do 16,00 sati.

Izuzetno, radi postizanja svrhe obavljanja poslova iz djelokruga rada kantonalnih organa i poboljšanja efikasnosti, rukovodilac kantonalnog organa može pismeno izvršiti trajnu ili privremenu preraspodjelu početka i završetka redovnog radnog vremena na pojedinim poslovima, uključujući i rad u smjenama, tako da ukupan broj sati rada zaposlenika na tim poslovima ne prelazi 40 sati sedmično, odnosno da je njihov ostvareni mjesečni fond sati rada jednak planiranom fondu radnih sati za taj mjesec.

**III.**

Puno radno vrijeme u kantonalnim organima traje 40 sati sedmično i raspoređuje se na pet radnih dana, po osam sati dnevno, od ponedjeljka do petka.

Izuzetno, radi postizanja svrhe obavljanja poslova iz djelokruga rada kantonalnog organa, kao što su poslovi inspekcije, obezbjeđenja i drugi, te poboljšanja efikasnosti, rukovodilac tog kantonalnog organa može pismeno narediti obavljanje pojedinih poslova i u neradne dane (dane vikenda, državnih i vjerskih praznika), tako da ukupan broj sati rada na tim poslovima po pravilu ne prelazi 40 sati sedmično.

**IV.**

Odmor zaposlenika u toku radnog dana sa punim radnim vremenom traje 30 minuta i koristi se u vremenu između 10,00 i 10,30 sati, ukoliko zbog potrebe posla rukovodilac tog kantonalnog organa ne odredi drugačije.

Vrijeme odmora iz stava 1. ove tačke, ne računa se u radno vrijeme.

Rukovodilac kantonalnog organa će ukoliko, u skladu sa tačkom II. stav 2. i tačkom III. stav 2. ove odluke, utvrdi drugačiji početak i završetak radnog vremena zaposlenika, utvrditi i vrijeme

u kojem će zaposlenici koristiti odmor u toku radnog dana u trajanju od 30 minuta.

**V.**

Stupanjem na snagu ove odluke prestaje se primjenjivati Odluka o radnom vremenu („Službene novine Tuzlanskog kantona“ broj:14/01).

**VI.**

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

Bosna i Hercegovina  
- Federacija Bosne i Hercegovine -  
TUZLANSKI KANTON  
Vlada

PREMIJER KANTONA

Sead Čaušević, v.r.

Broj: 02/1-34-18477/13  
Tuzla, 22.08.2013. godine